

# EISTEDDFOD YR URDD SIR DIDNBYCH 2022

## Rhif 161 - Ymgom Bl.6 ac iau (D) 2 – 4 mewn nifer 'Y Trysor' gan Edwin ac Eirian Jones



### Cymeriadau

Mae rhwydd hynt i'r hyfforddwr newid rhyw y cymeriadau

- William – oed cynradd
- John – oed cynradd
- Jên – oed cynradd

### Lleoliad

Lleolir yr ymgom ar draeth dychmygol

### Propiau

- Bag sbwriel
- Siacedi High-Vis
- Caniau a photel wag
- Cist
- Ffon symudol

*Daw 'r cymeriadau i'r llwyfan wedi eu gwisgo mewn siacedi melyn ac yn cario bag bin.*

William: Mae hyn yn jôc! Dod i fan hyn ar fore Sadwrn!

John: Beth arall sy' gen ti i wneud?

William: Wel, aros yn y gwely neu chwarae ar fy x-box.....

Jên: Paid a siarad lol! Mae'n wych allan yma yn yr awyr iach

William: Ond mae hyn yn bo-o-oring.

Jên: Dydy o ddim. Edrych o dy gwmpas, be ti'n weld.

William: Tywod a dŵr..... a dŵr a thywod..... a lot o sbwriel.

John: Dydy'r sbwriel ddim i fod yma.

Jên: Nac ydy, a dyna pam 'dyn ni yma. I glirio'r sbwriel yma.

John: Mae 'na LOT o sbwriel. Ble 'dyn ni'n dechrau?

Jên: Wel wrth ein traed wrth gwrs

William: Reit, dyma'r cyntaf..... potel o coke

John: Sut mae potel coke wedi cyrraedd y traeth?

Jên: Rhywun di-feddwl wedi'i thaflu hi

William: Ond mae hi'n wag a does dim iws iddi eto.

John: Mae'r arwydd acw yn glir 'EWCH A'CH SBWRIEL ADRE GYDA CHI'

Jên: Beth am i ni fynd yn nes at y dŵr. Mae 'na lawer o sbwriel wrth lan y dŵr.

William: Edrychwch, carton llaeth, bocs plastig, fforc blastig, bagiau creision.....

[Y TRI YN CASGLU SBWRIEL]

John: Dyna ni, 'dyn ni wedi codi deg darn o sbwriel. Gawn ni fynd i chwarae rŵan?.

William: Hei..... arhoswch..... beth sy' fan hyn?

Jên: Beth sy' gen ti?

John: Potel wîn wag!

Jên: Potel Coke, potel wîn. Sbwriel ydy pob potel yn y fan yma.

William: Ie, ond mae rhywbeth yn y botel

Jên: Agor hi, gawn ni weld?

John: Mae'r corcyn yn dyn..... aros..... mae o'n symud..... Ah! dyna fo!

Jên: Wel wir, mae o'n edrych fel darn o bapur.

William: Papur? Tynn o allan!

Jên: Ara' deg, paid rhwygo'r papur!

John: Dyma fo..... Waw..... edrychwch ar y llun!

William: Mae'n edrych fel llong.

Jên: Mae enw o dan y llun

John: Oes, ond dydy e ddim yn glir iawn..... His – pan – iola?

William: Ac mae'r *Jolly Roger* yn hedfan ar yr hwylbren.

Jên: Beth ydi'r *Jolly Roger*?

John: Wel, baner y morladron wrth gwrs! Pobl ddrwg! Roedden nhw'n ymosod ar longau ac yn dwyn trysor!

William: Mae neges ar y cefn.

Jên: Mae neges ar y cefn?.

William: Mae'n edrych fel map. 'drycha be mae'n ei ddweud.....

John: *[YN DARLLEN]* 'MAE TRYSOR YN OGOF LLANGRANNOG'

Jên: Hei! Mae fy chwaer yn gwybod ble mae'r ogof! Dwi'n mynd i ffonio hi!

*[Jên yn ymestyn ei ffôn symudol]*

John: *[yn edrych o gwmpas cyn sylwi ar gist aur]* Edrycha! Draw yn fan'acw! Dwi'n gweld cist ac mae'n llawn o ddarnau aur!

William: Gawn ni gadw'r trysor wyt ti'n meddwl?

Jên: *[AR Y FFÔN]* Mari, dw i wedi ffeindio potel a map yn dweud bod trysor yn Llangrannog! Wyt ti wedi bod yn yr ogof?

*[Jên yn gwrando]*

Jên: *[AR Y FFÔN]* Do..... do.... mewn bocs mawr pren.....  
*[Y TRI YN AGOSÂU AT Y GIST]*  
 Na .....  
 Beth oedd ynddo fo?

*[Jên yn gwrando eto]*

Yn llawn o beli aur ac arian? Ydyn nhw'n werthfawr?

*[Jên Gwrando eto]*

Be ti'n feddwl yn llawn siocled. Mari.....Mari lle wyt ti?  
 W...w...w..... yr hen .....

William: Wel, beth sy'n bod?

Jên: Mae'n gas gen i fy chwaer fawr!!

John: Pam? Mae Mari yn glên iawn?

Jên: Mae hi'n gwyllo tu ôl i'r creigiau! Hi sydd wedi rhoi'r botel yn y dŵr! Tric oedd y cyfan!

Pawb: MARI!!!

William: Wel yr hen gnawes! Lle mae hi?

*[PAWB YN DECHRAU RHEDEG CYN SYLWEDDOLI]*

John: Peidiwch anghofio'r bag sbwriel!

## Y DIWEDD